

四部文庫

文懷沙 主編
隋唐文明卷



西安曲江文化產業投資集團支持

(五十六)

陝西震旦漢唐研究院 編纂
陝西人民出版社

Z42
1
(4:56)

四部文庫

文懷沙主編
隋唐文明卷

五十六

陝西震旦漢唐研究院編纂
陝西人民出版社

隋唐文明

第五十六卷目錄

全隋唐文六

欽定全唐文一千卷(四)(卷一四八至二〇〇)

〔清〕董誥等纂

三

全隋唐文

六



欽定全唐文卷一百四十八目錄

顏師古二

上漢書注序

等慈寺碑

神州地祇祝文

四大河祝文

姚思廉

止足論

張元素

欽定全唐文

卷一百四十八

目錄

諫修洛陽乾陽殿書

上太子承乾書

重諫太子承乾書

重諫太子承乾書

陳正道對

蕭鈞

顏勤禮贊

欽定全唐文卷一百四十八

顏師古二

上漢書注序

儲君體上哲之姿膺守器之重俯降三善博綜九流觀炎漢之餘風究其終始懿孟堅之述作嘉其宏贍以爲服應曩說疎素尚多蘇晉衆家剖斷蓋勘蔡氏纂集尤爲牴牾自茲以降蔑足有云愷前代之末周愍將來之多惑顧召幽仄俾竭芻蕘匡正睽違激揚鬱滯將以博喻宵齒遠覃邦國宏敷錦帶啟導青衿曲稟宏規備蒙嘉惠增榮改觀

欽定全唐文

卷一百四十八

顏師古

一

等慈寺碑

金石萃編卷四二

若夫有功可大盛業光於四表有親可久厚德加於萬類救災撥亂開宏威以則天立愛宣慈垂至仁而濟物其於司牧黎獻汲引羣生窮高極深道隆致遠伏以現神通力摧破波旬之兵開方便門消滅尼捷之罪斯蓋法王聖跡調御善權不可思議莫知邊際者矣自隨歷云季政綱不

網海岳沸騰函夏圯裂繩樞競起白挺稱兵毒卉久敷妖
精畫隕五山並食九嬰爲害交相吞噬恣行剽斬仰籲蒼
昊謁跡靡依俯墜塗炭息肩無所剝極則亨否終斯泰用
集明命爰啟真人我大唐皇帝慶發靈圖祚昭寶籙撫茲
歸運拯彼橫流惟神惟幾迺文迺武聰明時又勇智自天
倚歟五材聖質苞其純懿大哉七德宸鑒測其幽遠至如
封胡異說力牧奇篇元女黃石之精微玉帳絳宮之祕要
莫不裁成膚思總制深衷超冠情靈之表得諸耳目之外
爰茲草昧自彼參墟投袂濡足東征西怨克翦方命鯨鯢
欽定全唐文 卷一百四十八 顏師古

卷一百四十八

顏師古

二

斯盡芟夷千紀邦域底平掃機槍於天衢匪遑寧處戮獮
狂於地表無思不服阪泉涿鹿之師議勤已匝共工有扈
之戰固多慙色載籍所傳孰可侔其髣髴言象所寄安足
紀其希夷武德之初諸華未緝穀洛之地尚阻朝風念彼
王充倫安假息悼于戈之日用張烽燧之多警於是親總
元戎授茲威鉞建瓴東下將一車書北據崇芒南屯伊闕
雲羅旣布指期滌蕩然而賊寶建德往因多難風長亂階
僞黨寶繁凶毒孔熾妄作元圭之瑞竊號夏王驅扇黑山
之旅擅強河朔破邑屠城斬祀殺厲矯誣上帝多厯年所

又以逞其狙詐乘彼阨危卽傾許之人徒收亡隨之文物
遂乃憑陵濟岱薦食徐兗驟勝愈驕負力作氣惟茲勦寇
同惡相求臬此役也實來赴援溯流而上奄至滎陽間使
驅馳潛申約結將規合勢以抗我師首足互資實同夏屋
之獸前後迭至冀效常山之蛇妙算所甄洞其曲折中權
所稟見可而進是以引麾北制移蹕東虞天策頻加神鋒
累奮其後酋渠相命妖孽並臻鑿齒之類爲羣冥窳之徒
成列發自板渚迄於茲地獷獫爭先陸梁競出比角舉尾
飲竭洪流吞石噉沙聚蔽陽景皇赫斯怒爰整六軍飛廉
欽定全唐文 卷一百四十八 顏師古

卷一百四十八

顏師古

三

朔銜豐隆先路然後置天地之陣揚日月之旗震夔鼓以
申嚴鏗虬鐘而大號星流電擊鳳矯龍騰坳巒爲之震跳
梗林於是靡拉陷堅挫猛刮野掃地喋血僵尸填坑滿谷
禽茲元惡未及旋踵仍執醜虜曾靡孑遺渙若水消淮同
魚爛氛祲祛除風雲融朗列代神靈莫不畢收前王彝器
此焉總獲旣而乘輅西返蒨旆右臨奮決水之威乘破竹
之勢廓清萬里大定三川散馬華陽飲至豐鎬豈如漢王
力競屢見屈於城皋魏武爭雄久連兵於官渡及夫海外
有截宇內無虞執玉帛以臨朝垂衣裳而班治珍符雜沓

繁祉綢繆甘雨薰風時和歲稔正簫韶之樂非止咸英定
郊雍之禮豈惟俎豆歧行喙息跼實排虛邇游原遐澗
泳末攫摯忘嘴距之用夷狄齊冠帶之倫外戶常開內機
不作寘舍靈於仁壽變品庶於陶甄思廣舟航無隔幽顯
靜言官首或握節以殉忠追悼行間有薤輪而棄野愍疏
屬之罪方滯迷塗念刑天之魂久淪長夜以爲拔除苦累
必藉勝因增益善根實資淨土乃命克敵之處普建道場
情均彼我思洽同異爰立此寺俾號等慈境實鄭州縣稱
汜水班倕字開一集矩矱斯備式構寶坊樹茲靈塔飛梁虹

欽定全唐文

卷二百四十八

顏師古

四

指浮柱星懸層閣崢嶸脩廊黠霸朝雲暫起華機流津曉
露微沾夕盤泣潯茹蘆在阪化爲詹蔔之林熠燿宵行翻
暎摩尼之彩傍開奈苑敷淨花而韡華却帶蓮池積定水
而澄湛結衣萃止振錫來儀戎品齊芳禪枝並茂其地則
遙瞻太室夏后之所發祥近眺襄城軒轅於是訪道舳舻
控引循金隄以偏側冠蓋往來趨玉門而隱軫勢居夷豈
物稱衍沃誠原陸之膏腴信康莊之都會豈惟致罰之野
獲免汙豬淫惡所懲赦其京觀乃令深入緣起永脫蓋纏
普賴法財同歸妙樂悠悠曠劫憑慧力而靡偏惠燾恒沙

譬福聚而無盡南山之壽既彌茂於億年北極之尊實牢
籠於萬代竊惟望雲就日博貫多能理極寰中道臻繫本
考覈篆籀徧詳流畧定儒墨之短長棄刑名之苛競纖微
必舉幽蹟斯應不能遁其隱奧無所潛其舛蠶五老變爲
流星懸識象緯八靈符於積雪曲盡物名是食忘勞昧旦
丕顯尚想巖穴博遠芻蕘俱幸滿堂之歡猶興納陛之虞
愛踰祝網仁兼扇暘降元覽而游藝觀人文以化成賤齊
梁之短篇鄙苦寒之危調轉規注河之論聽者聞神芝英
垂露之書觀者眩目飛蟻妙術抑咒神工制律呂之輕重

欽定全唐文

卷二百四十八

顏師古

五

知草木之情狀郁哉煥乎弗可記已重明養德守器光於
七鬯璇枝樂善作固列於維城威儀抑抑良翰赴赴文士
蘊金錫之姿武臣表熊羆之狀耕田鑿井雖受賜而無述
擊壤鼓腹諒日用而不知百年然後勝殘仲尼之言斯濶
三脊之茅難致夷吾所志爲小蓋夫植操恒久莫貞乎金
石盛德形容聿宣於歌頌末臣庸謏預奉鴻猷雖罄短才
未揚休烈其詞曰

肇自无極初分太清二儀定位四大居貞緬求遂古逃聽
遐聲質文遞變粹駁殊名其一季葉紛詭政荒道喪逐鹿爭

驅乘龍有亢亟惟不造時逢无妄至治莫興嘉生靡暢

其二

滔德既厭災運將徂鴻飛野滿狼入朝蕪綠林叛換青嶺

二

睚盱中外板蕩億兆淪胥

其三

聖帝膺期愍彼顛覆始建天

四

柱初安地軸萬難畢夷羣凶盡戮芒芒率土俱荷亭育

四

壽華疊社用康國步陽紆斃惡實清王度牧野非艱鳴條

五

豈固勢踰穽卷俯同榮注

五

魔眾既摧勝幡斯立釋茲罪

六

垢俾申幽執施以無畏斷其餘習即此戎墟招提攸葺

六

雲樓赫輝月殿玲瓏冬延愛日夏納清風白蘋齊葉丹桂

七

臨藁綺疏瞰迴繡閣臨空

七

金繩吐光寶鈴和響香繞梵

八

音花飛仙掌妙想凝寂真容煥朗開士宅心伊蒲瞻仰

八

崇巖秀峙迅流長邁石城迴矚龍池斜界左顧教礪右通

九

汜鄒實為勝境誕標靈怪

九

至人惠利正覺津梁偕登萬

十

善普照十方深慈廣博冥慶遐長式光勿替永播無疆

十

神州地祇祝文

維某年敢昭告於神州地祇惟祇包函區夏載負羣生溥

彼域中賴茲厚德式遵彝典據此元辰敬以玉帛犧牲茶

盛庶品明獻厥誠備茲禋瘞

四大河祝文

維神上通雲漢光啟圖書分導九枝傍潤千里素秋式序
用率典常

姚思廉

思廉本名簡以字行陳吏部尚書察子初授秦王府文學
太宗卽位爲著作郎宏文館學士寫形於十八學士圖拜
散騎常侍賜爵豐城縣男貞觀十一年卒贈太常卿諡曰
康

止足論

易曰亢之爲言也知進而不知退知存而不知亡知進退
象定全唐文卷一百四十八 顏師古 姚思廉 七

存亡而不失其正者其惟聖人乎傳曰知足不辱知止不
殆然則不知夫進退不達乎止足殆辱之累期月而至矣
古人之進也以康世濟務也以宏道厲俗也然其進也先
寵夷易故愚夫之所乾沒其退也苦節艱貞故庸曹之所
忌憚雖禍敗危亡陳乎耳目而輕舉高蹈寡乎前史漢世
張良功成身退病卧却粒比於樂毅范蠡至乎顛隕斯爲
優矣其後薛廣德及二疏等去就以禮有可稱焉魚豢魏
畧知足傳方田徐於管胡則其道本異謝靈運晉書止足
傳先論晉世文士之避亂者殆非其人唯阮思曠遺榮好

通遠殆辱矣宋書止足傳有羊欣王微咸其流亞齊時沛國劉瓛字子珪辭祿懷道棲遲養志不戚戚於貧賤不耽耽於富貴儒行之高者也梁有天下小人道消賢士大夫相招在位其量力守志則當世罔聞時或有致事告老或有寡志少欲國史書之亦以爲止足傳云

張元素

元素蒲州虞鄉人爲實建德黃門侍郎建德平授景城都督府錄事參軍太宗卽位累遷右庶子銀青光祿大夫授潮州刺史徙鄧州麟德元年卒

欽定全唐文

卷一百四十八

姚思廉 張元素

八

諫修洛陽乾陽殿書

微臣竊思秦始皇之爲君也藉周室之餘因六國之盛將貽之萬葉及其子而亡諒由逞嗜奔慾逆天害人者也是知天下不可以力勝神祇不可以親恃惟當宏儉約薄賦斂慎終如始可以永固方今承百王之末屬凋弊之餘必欲節之以禮制陛下宜以身爲先東都未有幸期卽令補葺諸王令並出藩又須營構興發數多豈疲人之所望其不可一也陛下初平東都之始層樓廣殿皆令撤毀天下翕然同心欣仰豈有初則惡其侈靡今乃襲其雕麗其不

可二也每承音旨未卽巡幸此乃事不急之務成虛費之勞國無兼年之積何用兩都之好勞役過度怨讟將起其不可三也百姓承亂離之後財力凋盡天恩含育粗見存立饑寒猶切生計未安三五年間恐未能復奈何營未幸之都而奪疲人之力其不可四也昔漢高祖將都洛陽婁敬一言卽日西駕豈不知地惟土中貢賦所均但以形勝不如關內也伏惟陛下化凋弊之人革澆漓之俗爲日尚淺未甚淳和斟酌事宜詎可東幸其不可五也臣又嘗見隋室初造此殿楹棟宏壯大木非隨近所有多自豫章採來二千人曳一柱其下施轂皆以生鐵爲之中間若用木輪動卽火出鐵轂旣生行一二里卽有破壞仍數百人別齎鐵轂以隨之終日不過進三二十里畧計一柱已用數十萬功則餘費又過倍於此臣聞阿房成秦人散章華就楚眾離乾陽畢工隋人解體且陛下今時功力何如隋日承凋殘之後役瘡痍之人費億萬之功襲百王之弊以此言之甚於煬帝遠矣深願陛下思之無爲由余所笑則天下幸甚

上太子承乾書

文苑英華卷六六七

臣聞皇天無親惟德是輔苟違天道人神共棄然古三驅之禮非欲教殺將爲百姓除害故湯羅一面天下歸仁今苑內娛獵雖名異遊畋若行之無恒終虧雅度且傳說曰學不師古匪說攸聞然則宏道在於學古學古必資師訓既奉恩詔令孔穎達侍講望數存問以補萬一仍博選有名行學士兼朝夕侍讀覽聖人之遺教察既行之往事日知其所不足月無忘其所能此則盡善盡美夏啟周誦焉足言哉夫爲人上者未有不求其善但以性不勝情耽惑成亂耽惑既甚忠言盡塞所以臣下苟順君道漸虧古人

欽定全唐文

卷一百四十八

張元素

十

重諫太子承乾書

臣聞周公以大聖之材猶握髮吐哺引納白屋而况後之聖賢敢輕斯道是以禮制皇太子入學而行齒胃欲使太子知君臣父子尊卑長幼之道然君臣之義父子之親尊卑之序長幼之節用之方寸之內宏之四海之外者皆因行以遠聞豈假言以先被伏惟殿下審質固已崇高尚須

學文以飾其表竊見孔穎達趙宏智等非惟宿德鴻儒亦兼練達政要望令數得侍講開釋物理覽古諭今增輝睿德而雕蟲小技之流祇可時命追隨以代博奕耳若其騎射畋遊酣歌伎翫苟悅耳目終穢心神漸染既久必移情性古人有言心爲萬物主動而無節則亂臣恐殿下敗德之源在於斯矣

重諫太子承乾書

文苑英華卷六六七

臣聞孔子云能近取譬可謂仁之方也已然書傳所載其言或遠尋覽近事得失斯存至後周武帝平定齊梁卑宮

欽定全唐文

卷一百四十八

張元素

十一

菲食以安海內太子贊舉措無度穢德日著烏丸軌知其不可具言於武帝武帝慈仁望其漸改及其踐祚狂暴肆情區宇崩離宗祀覆滅卽隋文帝所代是也文帝因周衰弱憑藉力資雖無大功於天下然布德行仁足爲萬姓所賴勇爲太子不能近遵君父之節儉而務驕侈肆情今之宮中山池遺址卽殿下所親覩是也此時亦恃君親之恩自謂太山之固詎知邪臣敢進其說向使動靜有常進退合度親君子疎小人捨浮華尚恭儉雖有邪臣間之何能致慈父之隙豈不由積德未宏令聞不著譏言一至遂成

其禍臣以愚蔽竊位兩宮在臣有江海之潤於國無秋毫之益是用必竭愚誠思盡臣節者也竊惟皇儲之寄荷戴至重如其積德不宏何以嗣守成業聖上以殿下親則父子事兼國家所應用物不爲節限恩旨未踰六旬用物已過七萬騎奢之極孰云過此龍樓之下唯聚工匠望苑之內不覩賢良今言孝敬則闕視膳問安之禮語恭順則違君父慈訓之方求風聲則無愛學好道之實觀舉措則有因緣誅戮之罪忠臣正士未嘗在側羣邪淫巧昵近深宮愛好者皆遊手雜色施與者並圖畫雕鏤在外瞻仰已有

欽定全唐文

卷一百四十八

張元素

十一

此失居中隱密可勝計哉宣猷禁門不異閭閻朝入暮出穢聲已彰臣以德音日損頻上諫書自邇已來縱逸尤甚右庶子趙宏智經明行修當今善士臣每奏請望數召進與之談論庶廣徽猷今旨反有猜嫌謂臣妄相推引從善如流尚恐不逮飾非拒諫必招禍敗方崇蔽塞之源不慕欽明之術雖挹睿哲之姿終懼罔念之咎古人云苦藥利病苦言利行伏願居安思危日慎一日則天下幸甚

陳正道對

臣觀自古以來未有如隋室喪亂之甚豈非其君自專其

法日亂向使君虛受於上臣弼違於下豈至於此且萬乘之重又欲自專庶務日斷十事而五條不中中者信善其如不中者何況一日萬幾已多虧失以日繼日乃至累年乖謬既多不亡何待如其廣任賢良高居深視百司奉職誰敢犯之臣又觀隋末沸騰被於寓縣所求天下者不過十數人餘皆保邑全身思歸有道是知人欲背主爲亂者鮮矣但人君不能安之遂致於亂陛下若近覽危亡日慎一日堯舜之道何以能加

蕭鈞

欽定全唐文

卷一百四十八

張元素

蕭鈞

十一

鈞貞觀朝中書舍人

顏勤禮贊

依仁服義懷文守一履道自居下帷終日業彰素里行成
蘭室鶴輪馳稱龍樓委質

欽定全唐文卷一百四十九目錄

褚遂良

請節勞表

請廢在官諸司捉錢表

請千牛不簡嫡庶表

請不窮逐實智絕表

諫夜飲表

諫五品以上妻犯姦沒官表

再諫五品以上妻犯姦沒官表

欽定全唐文

卷一百四十九

目錄

一、

請宮中眼花浪見不得輒奏表

諫魏王泰物料踰東宮疏

諫以皇子任刺史疏

諫討高麗疏

諫戍高昌疏

諫寢殿側置太子院疏

諫親征高麗疏

諫納莫離支貢疏

論房元齡不宜斥逐疏

諫與薛延陀絕婚疏

諫窮問張元素出身疏

玉璽記

揭本樂毅論記

潭府帖

山河帖

與法師帖

唐太宗文皇帝哀冊文

故漢太史司馬公侍妾隨清娛墓誌銘

欽定全唐文

卷一百四十九

目錄

二

大唐故左僕射上柱國太尉梁文昭公碑

欽定全唐文卷一百四十九

褚遂良

遂良字登善散騎常侍亮子初授秦州都督府鎧曹參軍貞觀中累拜中書令與長孫無忌同受顧命高宗立爵河南郡公拜吏部尚書同中書門下三品爲右僕射諫立武昭儀爲皇后左遷潭州都督再貶愛州刺史顯慶三年卒年六十三神龍元年武后遺詔復其爵位

請節勞表

文苑英華卷六〇七

臣遂良言伏承風氣小動正進湯藥臣荷恩光不勝愁懼

欽定全唐文

卷一百四十九

褚遂良

一

既聞御膳平和一則以喜伏惟陛下異人者神明同人者五情夫人之生以神爲主神太用則虛形太勞則倦有此而不生疾者非所聞也陛下昔年力平寇亂及臨寶位憂勞萬國龍荒沙漠何所不思情切於此無時懈怠遂令陛下鬚髮爲之早白又數年已來耽翫書史每作文咏兼諸手筆日暮繼燭運心不停又詰朝與羣臣論政數百千語音若韶夏理同蘭玉若非辛勤何以得此且以天情愛好不能自息臣愚誠恐陛下今猶看讀夫人年踰四十筋力漸疲篤而不休更增疹疾然君以百姓爲心百姓以君爲

命君體平康天下安寧陛下已讀得之者用之不可盡已知者當世不能踰伏願節諸言語且無披卷每減思慮微疴自遣天下蒼生之所幸賴臣不勝區區謹敢表聞伏願無覽臣之表遣傍人讀知臣章臣願足矣下愚之情伏深戰灼

請廢在官諸司捉錢表

文苑英華卷六〇七

臣遂良言古稱君爲元首臣作股肱梁棟榱桷隨能助化所謂成海取乎細流崇山由乎積壤然則爲治之本在於擇人不正其原遂差千里周禮卿大夫之職考士德行獻

欽定全唐文

卷一百四十九

褚遂良

二

之于王王拜而受之登于天府漢家以明經拜職或四科辟召必擇器任使量才命官然則市井子孫不居官吏大唐制令憲章古昔商估之人亦不居官位陛下許諸司令史捉公廨本錢諸司取此色人號爲捉錢令史不簡性識寧論書藝但令身能估販家足貲財錄牒吏部便卽依補大率人捉五十貫已下四十貫已上任居市肆恣其販易每月納利四千一年凡輸五萬送利不違年滿授職然有國家者嘗笑漢世賣官今開北路頗類於此在京七十餘司相率司副九人更一二載後年別卽有六百餘人輸錢

授職伏惟陛下治致升平任賢爲政或太學高第或諸州進士皆策同片玉經若懸河奉先聖之格言慕昔賢之廉恥拔十取五量能授官然犯禁違公輒罹刑法况乎捉錢令史主於估販志意分毫之末耳目鄙肆之間輸錢於官以獲品秩荏苒年歲陛下能不使用之乎此人習與性成慣於求利苟得無恥豈蹈廉隅使居其職何向而可將來之弊宜絕本源臣每周遊民間爲國視聽京師僚庶爰及外官異口同辭咸言不便臣無容靜嘿輕敢表聞伏願更勅朝臣遣其詳錄輒煩聽覽伏深戰慄謹言

欽定全唐文

卷一百四十九

褚遂良

三

文苑英華卷六〇七

請千牛不簡嫡庶表

臣遂良言臣聞主祭祀之胃必資於嫡長擢文武之材無限於正庶故知求賢之務有異於承家前王制禮緣情斯極永嘉以來王塗不競在於河北風俗頓乖以嫡待庶而若奴妻遇妾而如婢廢情虧禮轉相因習構怨於室取笑於朝莫能自悛死而無悔降及隋代斯流遂遠獨孤后罕睢鳩之德同牝雞之晨普禁庶子不得入侍自始及末怨曠未弭聖朝御治深革前弊人以才進不論嫡正自茲二紀多士如林今者簡千牛舍人方爲此制臣竊思審於理

未安何者母以子貴子不緣母也今以母非正室便言子無貴仕則趙衰孕於越婢遙集產於胡姬田文枚臯皆妾子也文則播美於強齊臯則有聲於隆漢未聞前載有所間然此類甚多備存史冊不敢煩引輕黷宸嚴今反棄古實從近事以妬忌之政施明敷之日非徒英雋交屈固亦競端斯始王者設教務慎其源源流一開爲弊必甚儻側室之子負才而不用君棄之於上家輕之於下忠孝不展友愛無施如此等人豈不怨憤雖隔千牛之選仍許三衛之官色類乃復稍殊捍禦至竟無別若惟才是用人自甘

欽定全唐文

卷一百四十九

褚遂良

四

文苑英華卷六一七

心一彼一此異端斯起至於昨來檢括羣人公孫武遠及崔仁師等兒多是嫡子故知善惡由乎積習邪正寧限嫡庶必然之理不言可明伏願更量可否還遵昔制不使側室之胃有高才而被屈正妻之子雖至愚而獲用則嫡庶於此分鑒諱訟無因發矣前選已了不可更追乃今補闕猶得詳審臣蒙恩獎擢厠近司事有未安豈敢自默謹以表奏伏增惶悚

請不窮逐實智純表

文苑英華卷六一七

臣遂良言實智純不自循名陷於險薄既是陛下近親由

來之所詣委然智純戚屬使任女爲王妃結髮從我實爲故舊書言昔在唐堯以親九族陛下憲章前事自須進退以禮方今刑網寬大不以疑罪與民宏基所注箭射舍中事已非實智純自藏獨樹狀又難明所以刑部大理各相得失陛下已出智純爲開州刺史便是貶責正當處分已畢今之餘事只是窮逐語言但智純戚屬貴望親姻既蒞職居官布在朝野相逢談說言議是常兼復其婦積病在牀命懸朝夕卽日刑部官司及在朝士皆不欲陛下更窮此事設令實推得智純自藏獨樹誣宏基家人刑名指歸

欽定全唐文

卷一百四十九

褚遂良

五

殊非重大況又事跡曖昧猶未分明若久窮逐便成苛細生於物議虧損至德如臣愚見伏願更施天澤赦其所短情存故舊不失善聲卽日在外議論如此臣猥居諫職而不敢不聞塵黷聽覽伏增戰慄

諫夜飲表

文苑英華卷六二〇

臣遂良言臣聞三爵獻酬所以成禮七升爲限謂之無度書之雅誥其慎在酒伏見去月二十七日爲太子成婚訖北門賜三品以上宴自日辰時連至三更疲勞聖躬尤非盛事有識者云云皆言非是昔孫權漢后酒敗其德昔陳

完謂齊景公曰臣卜其晝未卜其夜白日傾酌是陶神情伏願陛下更無夜飲臣以虛薄拾遺是司不辭嚴誅輕敢奏聞謹陳庸淺不勝戰越

諫五品以上妻犯姦沒官表

文苑英華卷六二三

臣遂良言臣聞大聖文明必垂憲法使聽之者知善聞之者自新謂之中刑而終久無弊糠粃古昔而樹之風聲冠蓋百王光茲至道伏惟陛下心記五車坐談千卷斷決機務必先至理臣昨日伏見勅至門下五品已上官人妻及女等有犯罪者並沒爲官婢夫犯惡逆始用此刑不然歷

欽定全唐文

卷一百四十九

褚遂良

六

代雜刑曾無此準聖主可以理平臣乞以一理敢煩天聽夫禁穢防姦旣張羅網生民干犯必有其事今忽有三公六尚書等官當重寄或有子數人半居文武而此三公六尚書之婦忽犯姦淫披猖衢路沒爲官婢其夫旣恥其子亦愧更何顏以在列亦無面以當官合門恥辱一時俱棄至於九卿之室十二衛將軍之妻沒爲官婢夫豈不愧雖有文武之幹珪璋之質朝廷之所嗤笑僭流之所指點自貽伊戚理須屏跡臣恐失諸人倫有從此起是以古者存其大體而畧其細微掩其家室而用其才能若沒其女亦

爲狼狽厥父與兄胡顏自處乞陛下審教化之本詳刑罰之要臣甘從鼎鑊更請一言忽若郡王近親縣主密屬有如此者若何處置若沒爲官婢則非復國章若不爲僇則同罪異罰臣詳案前載參驗當今輕敢思量實爲不可臣荷陛下殊恩擢居近侍披跡庸流位班四品官高祿厚於臣願足俛仰而無僇過從容而悅聖顏所以敢犯雷電獻心帷扈者夙奉深恩願罄微節昔臣有慕汲黯而願其后爲堯舜守茲愚誠欲崇主德雖則畏懼必冀陳聞伏願天明一垂矜察陛下必以爲此事難容理須懲肅可更付近

欽定全唐文

卷二百四十九

褚遂良

七

刑憲

再諫五品以上妻犯姦沒官表

文苑英華卷六二三

臣遂良言昔人輸寫至誠必通幽顯是以落日迴光飛泉上出臣丹心不著空祈聽覽擢臣之髮不足讐僇臣今月五日詣虔化門進封表論五品以上官人妻及女等有犯罪者沒爲官婢既未進旨下情惶懼臣又再三思量實爲不可唯有身犯叛逆天下不容妻奴等始合配沒自茲以往曾無此例若犯姦罪身即沒官不敬舅姑則依常律自

非中刑不可爲教至於一婦沒官其夫及子同宗合門有大羞尋見在朝者皆不可用郡王近親縣主密戚或有如此事並具前表夫帝王作典謂之利用恐其罪而化之不因其罪而利之不驚人心不與物議教民以善不爲異罰則三皇以來二百餘帝禁止姦穢皆無此法至於明聖獨用此刑既慙古昔終塵德義然則刑爲政教之用政爲社稷之本若再三如此天下依行臣恐政道因茲漸就流壞是以不避嚴誅更敢一請若卽班行四方談議臣緘口不言罪合萬死執以陳聞伏候刑憲謹言

欽定全唐文

卷二百四十九

褚遂良

八

請宮中眼花浪見不得輒奏表

文苑英華卷六二三

臣遂良言昔者聖人之於鬼神也聞之而不獨信知之而不專恃是以顓頊依於鬼神制之以正不懼驚異增修仁德孔子不語怪力亂神伏惟陛下氣蓋區中威移海外擁百萬之陣頓九夷之額自書史所載未之前聞夫人歡樂則意氣高悲哀則膽力少自不可信茲訛惑轉移常操而宮中嬪列謂之婦人恒弱周章眼光浪見更相恐懼動一驚百雖有孟賁壯志孔翟精誠終不免聽之心疑聞之意動變異之來具諸前志自須制之以貞正厲之以安靜謂